

W.R.

Y94⁴
qu

23
849

DIVINA ADSISTENTE GRATIA!
DISPUTATIONEM MEDICAM
INAUGURALEM,
De
**DENTITIONE
INFANTUM,**

*Jussu atq; autoritate Gratiissimæ Facul-
tatis Medicæ in inclutâ propter Salam Academiâ,*

*P R A E S I D E
VIRO EXCELLENTISSIMO,*

**DN. GEORGIO WOLFF.
GANGO WEDELIO,**

Med. Doct. Theor. Prof. Publ. Med. Ducal.
Sax. Facult. suæ h.t. Decano, nec non S. R. I.

Natur. Curios. Adjuncto,

*Domino Patrono, Præceptore atq; Promotore suo omni obser-
vantia honorisque cultu etatem venerando,*

PRO LICENTIA

Summos in arte Medica HONORES atque PRIVILEGIA

DOCTORALIA legitime ac majorum more
caepessendi,

publico philiatrorum examini subjicit

JOHANNES ERNESTUS Krausold /

VINARIENSIS,

In AUDITORIO MAJORI, Horis ante- & post- meridianis,

Ad diem Augusti, Anno MDC LXXVIII.

JENÆ, Literis NISIANIS.



820

ЧАСТЬ ДО ВЪШЕХЪ СЪ НИЖНІХЪ
МАСТЕРІМЪ МІЛІОНІА ТІПІЧІД
ТІСТІВІ ВАЛІ

БІЛОСІРІДІ



82a.

I. N. J.

PRO O E M I U M .

Nulla calamitas sola : Fatum hocce in
œconomia politica, proh dolor! toto die ex-
hibet specimina , in microcosmo fasces
quoq; rapit, rigidumq; suum ac inevitabile
ius miris exercet modis, ut huic omnis ætas,
sexusq; omnis subjiciatur , & ejus jugum
ferre cogatur. Nec est , ut operosè addu-
cam morborum, adultis negotium qui faceſſunt, myriadas,
eorumque fatalem ſæpè connexum, ac quomodo unus alteri
lampada tradat , latius exponam , cum hæc quilibet propriâ
experienciâ confirmet. Latere neminem poterit calamitatum
infantum, à primâ nativitate ipsos affigentium , farrago , ha-
rumque promtissimum, pernitiosum tamen , connubium, quo
nulla sine comitibus in proscenium venit.

Ast , si unquam triste id experiuntur fatum , certè *Den-
titio* accidit tempore, quippe, licet omnium morborum
primis mensibus mortiferas plagas evaserint , unica restat
Dentitio, omnibus necessariò sustinenda , ubi plerumque tanta
symptomatum atque calamitatum ingruit syndrome, omniaq;
diverso alias tempore conspicua celeri accurunt pede , uno
impetu tantoq; teneriora adhuc corpora invadentia, ut faci-
lè succumbant. Quid? quod hos calamitatum scopulos non-
dum prætervecti , spem vitæ inchoare vix possunt longam, ut in
proverbium ferè abierit , genitores de infantibus non esse secu-
ros, donec variolas sustinuerint , dentesque oculares protru-
serint.

A 2

Proinde

gr2.
Proinde mihi jussu Gratosissimæ Facultatis Medicæ de specimine inaugurali, publicæ luci exponendo, cogitanti placuit in primis, pro ingenii viribus, dolorificum vitæq; cum periculo haut raro conjunctum *Dentitionis* opus examinare, & quibus auxiliis symptomatum atrociorum ferocia infringi queat, paucis proponere; quod ut cedat feliciter, faxit supremum Numen.

CAPUT I.

Dentitionis ὄνοματολογίαν & physiologiam continet.

§. I.

Cum consuetâ tractandi methodo ab ipsâ nominis explicatione soleat fieri initium, meritò huic quoque insistere nostrarum duximus partium. Ne verò quæ trita alias satis sunt ad nauseam operosè persequamur, pauca saltim delibabimus.

§. II. *Dentitionem* à verbo *dentire*, hoc verò ab ipsis *dentibus* natales sumere, notorium est, ut ita vi vocis non dentium generatio, sed antea in gingivis atque maxillis absconditorum certo tempore atque naturæ motu extra gingivas *itio*, seu ex latebris *proruptio* innuatur. Dentium verò originem altius accersere piget, quo *celeberrimi Hoffmanni*, omnes hac in re frustra sudantes egregiè ridentis, censuram evitem. *Græci* his insistentes vestigiis ὀδοντιάσιν vocant, simulque ab ὀδοντιάζειν derivant. Nostro idiomate quomodo exprimi soleat, cum omnibus notum sit mulierculis, adducere supervacaneum videtur.

§. III. Ut ut verò hujus vocis origo per jam dicta satis constet, adhuc tamen gaudet latitudine quadam. (1) enim sub se comprehendere potest quamcunq; dentium prorruptionem, sive contingat primis infantia, sive pueritia, vel subsequentibus vitæ annis, ubi prioribus elapsis novi succedunt, vel serotini isti σωφρογυστῆρες dicti prodeunt. (2) Strictiori paulò

paulò sensu illud solum designat tempus, quo infantibus primâ vice dentes antea latentes gingivas perrumpunt, atque in conspectum prodeunt. Hocque iterum duos includit actus, unum, quem *Latini* germinationem, *Græci* ὀδοντισμὸν vocant, ubi dentes germinantes instar seminū germinantium altius surgunt, gingivisq; dum primum faciunt impetum, pruritum mordacem inferunt, nos vocamus, sic sezen ein: alterum, quo impetus hic ulterius continuatur, donec penitus gingivæ fuerint perforatæ, ipsiq; dentes conspiciantur prominentes. *Græcis*, uti dictum, ὀδοντίασις seu ὀδοντοφυΐα ab ὀδοντοφυεῖ vocatur, ὅταν ὁ ὀδόντες φύειν μέλλωσι τοῖς παιδίοις, explicante *Galen. comment. in aphor. 25. sect. 3.* quo de latius videri possunt *Gorreus defin. med. p. m. 239. Anut. Foësius Oeconom. Hippocrat. lit. O.* Cum itaque ambo hi actus symptomatum immanium catervā non raro stipentur insigni, coniunctim præsentis erunt tractationis.

§. IV. Proinde in dentitione examinandâ progressus quò fiat facilior, nonnulla de ipsis dentibus ceu generaliora & supposita quasi erunt præmittenda, quibus cognitis postmodum ipsa eruptio melius deduci poterit.

§. V. Removere hinc lubet veterum vanas litigations de genere partium dentibus assignando, an similares sint, an organicæ? singulis quippe experimur ferè momentis, hos cibos incidere, præparare, & per consequens actionem exercere integrum. Huc illa quoque referri potest, an pertineant ad ossium familiam? licet enim in quibusdam ab iisdem discrepent, nihil tamen obstat, quo minus ossa sui generis, seu, ut *Scalig. sect. 2. exercit. 229.* loqui amat, suæ speciei dici queant.

§. VI. Situm dentium in homine operose demonstrare non opus est, cum hi leviter etiam diductis labiis concinnō sanè ordine in utriusque maxillæ extremitatibus simplici serie clavicularum lyræ ad instar promineant, tam providâ naturæ solertiâ, ut inferiores superioribus quidem committi possint, non tamen omnes simul & semel, (neq; enim è diametro æqualiter sibi respondent) ut variari actus possint, incisionis & contusionis ciborum. Hinc commissis molaribus

824

ribus, anteriores superiores transgressi inferiores regunt; coeuntibus anterioribus hiant molares, quiete & actione utrinque mutuâ intercedente. Rarum hinc æstimandum, quod *Eustach. lib. de dent. cap. 29.* refert, dentem mulieri Romanae in medio palati fuisse enatum. Similiter simplex eorum ordo sæpè duplicatur, imò triplicatur, sicut de Hercule hoc refert *Cælius lib. 4. cap. 13.* de Mithridatis filia *Val. Max. lib. 1. cap. 8.* similiaque exempla & nostro ævo visa sunt. Omnia tamen hæc naturæ alias consuetum ritum non tollunt in totum; sed ejus aberrationem, seu lusum potius, nobis ob oculos sistunt.

§. VII. Majorem meretur considerationem decens, quod dentibus intercedit, intervallum, Græcis ἀγούσις dictum, multis licet modis in diversis subjectis varians, modò longius, modò brevius distans, unde credulæ & ad superstitionem pronæ mulierculæ multa præsagiendo fabulantur de longævitate brevitateq; vitæ, peregrinationibus ad exteris, aliisque, omnia tamen sine fundamento ac rei veritate, nisi quoad prius unà respectus fiat ad numerum, quo magis enim distant dentes, eò ferè pauciores esse conservaverunt. Notatum verò jamdudum à Coo: οἱ μαντόβιοι πλείστοι ὅδοντας ἔχουσιν, qui longæ vitæ sunt, plures dentes habent, l. 2. epid. f. 6. r. 2. quò de vid. Laurent. hist. anat. l. 2. c. 21. Natura enim hoc ipso nobiliora longè intendit, potissimum verò duplarem propter finem id fabricavit, nimirum quo dentes statuto suo tempore non uno impetu omnes, sed divisim, è torulis suis egredi possint, alias enim teneri adhuc infantes dolorum hinc productorum cumulo sustinendo planè deficerent; posteà quoque dum unus alterque ab officio suo desciscit, nec huic variis de causis præesse amplius potest, acerbissimorum simul cruciatuum promus condus existens, facile ceu rebellis potest ejici sine alterius adhuc fani læsione, ut hinc molestiæ fiat finis dolorumque medela. Quæ omnia dubio procul non adeò contingent feliciter, si omnes dentes essent continui, sicut natura ita lusit in Pyrrho Epirotum rege, Eutyphaeo Cyreneo, inde μορόδοντι dicto, aliisque.

Insigne



Insigne tale exemplum refert *Herodotus in Calliope*, repartam nimirum maxillam, habentem dentes et si distinctos, tamen ex uno osse universos, tam molares, quam cæteros. Geminum his refert *Timæus à Guldenflee Cas. med. lib. 5. cas. 10.* antiquissimæ cuidam familiæ proprium.

§. VIII. Ast maxillarum solum sunt incolæ, minimè verò iis continui, quod observavit *Hollerius obs. 31. p. m. 685.* Sed radicibus solum modò unâ, modò pluribus illis, pro ratione exigentiæ atque firmitudinis, infiguntur, quarum quælibet peculiari loculo circumscripta visitur. Contingit verò arcta hæc connexio beneficio articulationis, γόμφωσις vulgò dictæ, ubi maxillis cuneorum seu clavorum in modum firmissimè infiguntur, ut etiam in duriorum ciborum comminutione ne quicquam vacillent. Majoris autem roboris gratia huic articulationi suppetias haut contemnendas ferunt συνεύρωσις atque συστάριωσις, monente celeberrimo anatomico *B. Rofinc.* *Dissert. anat. lib. 2. cap. 27.* illa quidem ratione membranarum & vinculorum, quibus dentes loculis suis firmiter affiguntur, hæc verò ratione gingivartim copiosis membranulis atque nervorum ramis scatentium, quæ quoad basin potissimum illos involvunt, firmiterque ambiunt.

§. IX. Quo verò dura hæc corpora beneficiis tum naturalibus, tum animalibus frui queant, hunc in finem omnis generis *vasa necessaria* illuc sparsa sunt atque inserta. Illa, quidem præstant *arteriæ*, quarum origo dependet ab externalium carotidum ramis, atque *venæ* oriundæ à jugulari internâ, ut hinc non opus sit, cum *Helmontio tract. alim.* ¶ *insont. t. 24.* nutrimentum dentium à gingivis lateralibus accersere. Hæc vero nervorum à cerebro descendentium *par*, juxta veterum enumerationem, *tertium*, juxta recentiorum, *Bartholin. anat. reform. lib. 4. cap. 22.* *Willis. anat. cerebr. cap. 22.* aliorumque, *quintum*, unde etiam natales membranæ istius sensilis, interiori dentium parti expansæ, accersendi. Quamvis autem multi contentionis serram inter se reciprocant de modo insertionis horum vasorum, in durissimam ut pote substantiam, perplacet tamen hæc de re laudati jam. *Rofincij*

Rofincii cit. loc. epigrise, quâ cum accuratissimo Fallopio lumen fatetur, hunc oculis assequi adeò exactè nos non posse, à posteriori tamen multa phœnomena vasorum prædictorum insertionem abundè probare.

§. X. Ex his binæ jam dudum agitatæ fuerunt controversiæ, hic loci obiter solum attingendæ, quarum *una* sensum dentium, an per totam substantiam dispensetur? *altera* eorum augmentationem, hujusque per totam vitam durationem concernit. Notissima vel tyroni sunt argumenta circa *priorem* pro & contra magno conamine adduci solita. Ast omnia facilè evanescunt, modò distingvant sensum naturalem & animalem, illum omnino totus dens, sicuti reliquæ partes omnes, possidet, hunc verò eosq; radiare, quo usq; spirituum animalium per nervos adductorum organiq; huic destinati vigor fulget, certissimum est. Quæ circa *posteriorrem* afferri solent, nulli non possunt esse nota, verùm si penitus hæc ab unâ parte, ab alterâ verò requisita nutritionis & augmentationis ab *Excellentiss. D. D. Præside Theorem. med. part. i. seçt. 4. tb. 5. & 6.* accuratissimè more suo tradita lustrentur, ficulnea apparebunt omnia, nihil etiam aliud, quantum quidem perspicere possum, concludunt, quam dentes, uti alias, ita etiam post debitam suam magnitudinem seu *ampm* acquisitam continuâ ciborum, in specie duriorum comminutione quotidiè atteri atque imminui, ne verò successu temporis planè absumentur, requiri partis absumentæ restitutio nem, quæ tamen nutritioni magis, quam auctioni propriè adscribenda venit.

§. XI. Diversus situs, conformatio, usus aliaque dentibus diversa largiuntur nomina, omnibus nota, ut alii dicantur à situ, officio & tempore eruptionis, *primores*, *gelasini*, *incisores*, *lactei*; alii verò à conformatione, similitudine, peculiarique assignato cum aliis partibus consensu *canini* seu *oculares*; alii denique ab officio *molares*; quibus succedunt tandem *serotini* isti sapientiæ dicti.

§. XII. Verùm enim verò dentium hactenus, quantum hujus loci, descriptorum series in adultis uti satis conspicua,

cua, ita ex adverso infantum recens natorum, non sine natu-
ræ singulari providentiâ, per menses aliquot oculos nostros
subterfugit, & præterlapsis demum quibusdam mensibus or-
dinariè unus alterç solum gingivarum fores pulsat, exitum
liberum anhelat, quos successivè reliqui seqvuntur. Licet
enim Romæ olim aliiscq; in locis quidam cum dentibus fuerint
nati, hincq; dentati dicti, quorum prolixum necit catalogum
Zwing. theatr. vit. hum. Schott. Phys. curios. lib. 3. cap. 34. §. 3.
similiaç exempla hodienum aliquando contingent, vix tamen
consueto aliàs ordini multum derogatur, dum rarò solum ea ac-
cidunt, multo minus Romanorum more urbis exitium inde
collendum; quin potius individui istius vigor Archeiç sin-
gulare in partibus perficiendis robur ultrò inde patescit.

§. XIII. Fluxere hinc duæ aliæ veteribus controversiæ,
paucis hîc examinandæ, quarum prior de primordiis den-
tium, ex quâ scilicet materiâ capiantur, posterior de tempore
generationis agere solet.

§. XIV. Ut verò de illa veterum sententias, ex eorum
scriptis abundè hauriendas, brevitatis studio omittam, quæ
nil nisi simplicem sapiunt credulitatem, tota res ex recentio-
rum fundamentis, oculataç experientiâ, cui faciliùs præben-
da fides, paucis dilucidari potest. De generationis quippe arduo
aliàs negotio hoc tamen certò constat, semen non, juxta
veterum mentem, concurrere *ναλ̄ ὥγκον*, sed *ναλ̄ ἐνέρ-
γειαν*, seu solum contagium parte suâ spirituosiore effice-
re, uterumq; hâc ratione irrorare, accedere postmodum afflu-
xum sori & sanguinis materni, materiamq; partibus omnibus
tum formandis, tum posteà perficiendis suppeditare, sicut
hâc in re omnes ferè recentiorum concordant. Hoc fun-
damento posito, absque negotio concludi potest, quod idem
sangvis dentibus quoq; præbeat materiam, in specie quoad
partem suam serosiorem; in aprico siquidem est, partibus
spermaticis veteribus dictis serum prima præbere stamina,
quod *Barbat. dissert. de sangu. & soro pag. 44. & 57.* fusius
probat: dentes verò ad hanc partium classem veteres unani-
mi consensu retulerunt. Accedit etiam, ut jam dicetur, prin-

828

cipium eorum planè mucosum, seroque coagulato seu inspissato simillimum apparet.

§. XV. *Hæc* primo intuitu majus facessere videtur negotium, cum tempus, quo dentes egredi solent, mille variet modis, ut veteres, generationis negotii parum gnari, nil aliud concipere potuerint, quam eodem tempore etiam dentes generari, quo erumpunt. Ast habeatur modò ratum recentiorum suppositum, quod omnes corporis nostri partes delineationem seu rudimentum quoddam in utero adhuc accipient, licet earum perfectio plenaria maximè variet; facile indè colligitur, dentibus simile quid in utero accidere. postea vero perfectionem ad egressum idoneam illos expectare. Sicuti vero hæc facile de dentibus primis annis prorumpentibus concedi debent, ita dubium haut contemnendum restare fateor de illis, qui longâ annorum serie pro renovatione succedunt. Verum autopsia anatomica, ut rationes taceam, omnem eximit scrupulum, cuius ferè antesignanus habendus *Eustachius loc. cit. cap. 15.* sanctè affirmans, se plures maxillas fœtuum tam abortivorum, quam maturorum aperuisse, ibidemq; observasse dentes incisores, caninos, & tres molares adhuc molles, tenuissimo interstitio osse disjunctos, quibus singulis folliculis mucosis & tenax, extremâ parte perforatus, unde mucro dentis pullantis procedit, erat appensus; imò his artificiose separatis novus iste, licet exiguis adhuc, ordo absconditus latuit, qui quasi germen est pro renovatione ordinis prioris, uti latius id dicto loco describit. Hanc quoq; autopsiam plurimi recentiorum confirmant, mihiq; plus vice simplici curioso spectaculo in talismodi fœtuum tam publicis quam privatis dissectionibus eorumque sceletonis illustrare licuit apud *D. D. Faschium, Patronum studiorum meorum,* dum multa ipsi debeo, absque honoris prefatione nunquam nominandum, ut religio sit, amplius hac de re dubium fovere. Insuper videri merentur *Eysson. de oss. infant. cap. 3. p. m. 51. Volcher. Coiter. de oss. fæt. abort. cap. 4. Ephemer. Germ. Ann. III. p. m. 559.* aliquae.

§. XVI. Ex jam dictis plurima circa dentitionem luce meri-

meridianâ clariora redduntur, multa quoque falsæ antea hypothesi superstructa suâ corruunt sponte. Sic non amplius obscurus est proventus dentium istorum circa mensem modo septimum, modo nonum, modo duodecimum, modo tardius erumpere consuetorum, quorum primo incisores jam superiores, mox inferiores, ordine insigniter variante, in conspectum veniunt, quia non tam cum aliis rudimenta sua in uteri adhuc claustris sortiuntur, quam prærogativam perfectionis præ reliquis levi etiam intuitu conspicendiā exhibent, uti *Eyffoniū loc. cit.* insimul quoque autopsia comprobat. Hi enim præ cæteris laminam habent solidusculam, canini vero minorem, nec ita solidam, molares vero tenuissimam & ferè chartaceam, ut hinc non ulterius mirum sit, si quidam citius, quidam tardius suum adipiscantur complementum, eoque ordine, quo in utero quoad rudimenta sunt distincti, egrediantur. Hoc tenendum, quod neque ordo prorumpendi, nec tempus tam primæ eruptionis, quam subsequentis renovationis, quod plerumque septimus annus est, (licet vitæ terminus exinde certò hariolando prædici nequeat, quo de *vid. obs. 183. Ephem. Germ. Ann. VI. & VII.*) quibus numerus dentium adjungi potest, adeò certis limitibus possint definiri, quos naturæ lusus non transgrediatur. Uti enim natura proruptio-
nis tempus in quibusdam anticipat, dentesque in utero ad-
huc perficit; ita non raro longius protrahit, & per menses vel annos retardat, ut omnia hæc potius dependeant à nutu Ar-
chei partiumque vigore; prout enim hic est constitutus, nul-
laque adsunt impedimenta, ita quoque partium perfectio citius vel tardius progreditur.

§. XVII. Unde verò his dentium rudimentis super-
veniat perfectio, facile patebit, modò considerentur vasæ
eorum supra §. 9. denominata, quæ utique suam simul acqui-
runt delineationem, posteaque in reliquorum vasorum pro san-
gvinis motu necessariorum perfectione, quod ipsis debetur,
etiam accipiunt, ut hinc sanguinem arteriosum à corde pro-
pulsim, ceu canales ordinarii, pro debito modulo ad hæc mu-
cosa adhuc deferant corpora, quodque post partis serosioris se-

B 2 que-

questrationem superfluum, iterum ad fontem, unde manavit, reducant. Hanc partem verò serofam promptè folliculus iste mucosus primò suscipit, utpote sui similem, posteà perfectione majori accedente radix atq; cavitas dentium interna, longo tempore adhuc conspicua, mucorem continens, hoc fungitur munere, adductamq; materiam quasi sinu fovet, quo accedens posteà Archeus, omnium alias actionum diribitor, illam immutet itaque disponat, ut dentibus rudioribus complementum largiri possit, quem modum, ejusq; procedendi ordinem, egregiè tradit *Rolfinc. loc. supr. cit.* Mirandus posteà hic artifex opera sua in tenebris fabricata, quantumq; usus postulat, perfecta publicæ luci exponere molitur, hinc gingivarum claustra perrumpit, dumq; tenelli adhuc infantes, & ne leviores quidem cuiusvis materiae insultus sustinere valentes, symptomatibus hic concurrentibus viribus sint impares, eorum saluti prospiciens non statim post partum hoc tentat, sed tantam necit moram, donec viribus paulo plus valeant, & quo omnia prosperiori ulterius eveniant successu, partitis præstat vicibus.

§. XVIII. Corruunt tandem ex anteà suppositis omnia ista, circa dentium renovationem alias tradita, in specie falsò putata *Vesalii hum. corp. fabr. lib. 1. cap. 11. Columbi lib. 1. de off. cap. 10.* aliorumq; apophysis dentibus afficta, quam renovationis tempore à radice eorum decidere putarunt, ut ex eadem novum posteà germen proveniat. In ratione denique horum φαινομένων reddenda longè felicius progressimur quam veteres, quippe quæ per superius dicta est manifestissima, dum subsequens hic dentium ordo nato infante prioribus subjectus apparet, ac licet progressu temporis osculum, ast tenue, interstitium utrosque disjungat, accedente tamen perfectionis tempore, Archeiq; motu adjuvante, illud facile perrumpitur, dentesq; hi successores tolluntur in altum, ut priores usui minus idonei lapsu facilitiori ex alveolis suis riant, noyiisque hi ceu firmiores subsellia priorum occupent.

CAPUT

CAPUT II.

Dentitionis pathologiam atq; se- mioticam examinat.

§. I.

PErspectâ dentium generatione, perfectione, modoq; exequendi, ulterius circumstantiae prorruptioni conjunctæ considerationem penitorem merentur. Hæ enim, uti alias ius mutare dicuntur, ita prout sunt mitiores vel atrociores, dentitionem reddunt vel facilem vel difficultem; omnem enim pruriginem in hoc negotio planè abesse, vix credibile est, cum hæc juxta Jacob. Truncon. de cunnd. morb. puer. tr. 4. cap. 9. puerorum dentientium sit inevitabilis passio. Ast licet quibusdam sine notabili molestiâ hoc naturæ opus succedat, frequenter tamen magna vitæq; periculum minitantia, totiesq; experienda, quoties hocce dentium naturale iter perficitur, conjungi symptomata, in aprico est, ut horum intuitu res hæc alias naturalissima, simili ratione ac partus, rerum præternaturalium catalogo ab omnibus medicis inferatur, monente Sennert. prax. lib. 4. part. 2. cap. 14.

§. II. Quo itaq; hujus impropriè, vel quasi dicti morbi impetus coërceatur, tenerisq; infantum corporibus, facile aliæ succubituris, auxiliatrices porrigantur manus, causæ, benignæ naturæ opus difficile reddentes, paucis perpendendæ veniunt.

§. III. Harum *immediata* nulla erit alia, quam *denti*um prorruptionem molientium *exitus* ultra naturæ modum, *sufflaminatus*, hic enim prout variat, ita ipsam modificat dentitionem, juxta Joël. prax. lib. 2. sect. 5. Hanc ceti *mediatae* *proximiores* producunt varia, quæ in primis Sylv. prax. lib. 4. truct. 1. cap. 7. ex dupli optimè haurit fonte, suntq; vel ipsi aliquando dentes, vel sæpius gingivæ, licet juxta consuetam alias methodum sub causarum remotiorum numero contineantur;

882.

tur; verum quia h̄ic proximius agunt, haut absurdē hoc insigniuntur titulo.

§. IV. *Dentes* inculpat dupli ratione, *vel* quando segnius excrescunt, *vel* quando obtusiores sunt, unde difficilius penetrant. *Prius* variis accidit modis, dum materia his partibus perficiendis atque nutriendis deficit, aliisq; modis viatiata est, *vel* Archeus per se est debilior, segnius hinc motum atque ὀξυασμὸν quasi promovet, *vel* res non-naturales huic operi impedimentum ferunt, *vel* deniq; morbi varii generis obicem ponunt, aliaeq; h̄ic non recensendæ circumstantiæ huncce dentium remorantur motum. *Posteriorius* quod concernit, nimirum dentium naturalem figuram exitum citra prædicta jam obstacula retardare, aliquo modo veritati consenteum videtur, cum omnia alias obtusiora præ acutioribus lento agant gradu, ac, nisi majori moveantur impulsu, planè non penetrant. Ast hocce assertum in præsenti negotio non, in totum, sed in tantum admittere convenit; siquidem huic quotidiana & *Hippocratis* tempore jam tum probata refragatur experientia, quā constat, dentes caninos, licet præ reliquis satis duros atq; acutos, Germanis hinc die Epiz;ähne dictos, præ obtusioribus molaribus majori cruciatu atque molestiā prodire, acutiusque gingivarum carnem afficere, dum involucra h̄ec peryadere nituntur.

§. V. *Gingivarum* culpa facilè patet, sunt namq; frangendorum repagulorum loco, unde densiores atque callosiores dentibus rumpentibus fortius resistunt, liberumq; transitum ipsis denegando hunc laborem procrastinant. Densitatem, hanc producunt varia, fitq; interdum à constitutione naturali compactiori, aliisq; rebus sub causis remotioribus alias contentis, quas inter, ut unicam saltim nominem, aërem anniq; tempus plurimum conferre in confessu est, unde *Rbases* tempus vernum atque æstivum cæteris paribus dentitioni commodissimum pronuntiat, dum gingivarum laxitas observatur major, quam hieme, ubi frigus poros fortius constringere aptum est. Frequentius insuper res externæ dures, varrum in finem crebrius gingivis nudis atq; tenerioribus applicatæ callositatem pro-

producunt, quo in passu matres omnesque curam infantum gerentes culpâ raro vacant, dum multa statum hunc inferentia, præpostero planè ausu, ipsis non appetentibus, omnibus obtrudunt modis. Notorium quippe est, quantam matres adhibeant solertiam in nutrimento infantibus suppeditando, adeo quidem, ut plus quam papyraceus quasi eorum ventriculus recipere ac tolerare possit, infarcent, nec pulmentis hisce edentulis apprimè congruis contentæ, durioribus cibis ipsos adfvescere dum volunt, sæpe lusus gratiâ, ipsis porrigunt crufiam panis, ossa carnis parte adhuc obducta, & alia, quæ omnia infantes gingivis suis promtè arripiunt, hinc & inde movendo omnibus viribus comminuere satagunt, ut taceam varii nominis crepundia, nulla urgente necessitate, sed consuetudinis ac dentitionis subsequentis facilitandæ gratia perverso usu crebrius dicto modo applicata. Omnia enim hæc quid. valeant in callositate gingivarum producendâ, testatum reddunt senes edentuli, quorum gingivæ, dum dentium vicem sustinere coguntur, promtè calleſcunt, quod infantibus eadem, vel faciliori ratione contingere, toto die observatur, ut ita matres, dum infantibus suis benefacere student, ipsis viam ad cruciatum enormes vitæque periculo conjunctos sternant.

§. VI. Dicta jam dentitionis difficultas symptomatum acerbissimorum ferax existit, quorum præcipua in unum quasi fasciculum collegit *Divinus Senex* sect. 3. aph. 25. inquiens: Πρὸς δὲ τὸ ὄδοντοφυεῖν προσάγουσιν, ἀλλων ὄδαξισμοὶ, πυρετοὶ, απασμοὶ, διάρροαι, καὶ μάλιστα ὅταν ἀνίγωσι τὰς κυνόδοντας, καὶ τοῖς παχύλατοις τῶν παιδιών, καὶ τοῖς συληρᾶς τὰς κοιλίας ἔχοσι. Cum dentire cœperint, gingivarum molesti pruritus, febres, convulsiones, diarrhoeæ oriuntur, maximeq; cum edunt caninos dentes, & qui inter pueros crassissimi sunt, alvog; adstricta. His tanquam frequentioribus junguntur sæpe alia adhuc ceu secundaria, utpote tussis, vigiliæ, salivatio crebrior, vomitus, succedunt non raro in statu graviori gingivarum, tubercula, deinde abscessus & aphthæ, superflua caro, vesiculæ atque fungi, referente *Omnibon. Ferrar. de art. med. infant. lib. 3. cap. 28. Sorbait med. pract. tract. 4. cap. 16.* Ast non omnia.

omnia semper uno agmine ingruunt, verum modificantur à dentium eruptione citiori tardiorive, dispositione individui, a liisque concurrentibus circumstantiis.

§. VII. Primarium verò atque essentialiter inhærens ὄδοντος symptoma *gingivarum molestus* est *pruritus*, immediate à tensione atque expansione fibrarum nervosarum, *gingivis copiosè intertextarum*, seu, juxta communem loquendi usum, à solutione continui potissimum in fieri dependens, mediatè verò & quidem proximius dentes ipsi exitum affectantes, indiesq; altius surgentes existunt causa. Notum quippe est, causam alias dolorum à Galeno comm. in supr. cit. aphor. optimè comparari cum spinâ carni infixâ, quam toto die doiores producere observamus, jam verò dentes egregiè quidem, ast cum summis infantum cruciatibus, hanc suscipiunt spartam, imò amplius progrediuntur, nec, uti spina, *gingivis infixi manent*, verum ulterius tendunt, donec exitum liberiorem nanciscantur. Uti verò spina acutior dolorem acutiorem causatur, ita quoque dentes, quo sunt acutiores, eundem præstare queunt effectum, quâ de causâ dentes canini ab Hippocrate loc. cit. omnium symptomatum præ reliquis accusantur fabri. Hinc non solum dependere *gingivarum molestum pruritum*, dum dentes dicto modo insurgentes membranas nerveas quaquaversum primâ invasione distendunt, verùm etiam subsequentem plenariam solutionem, continui in esse, ejusque effectum, dolorem nempe acutum, ὅδοντοφυίας tempore succedere, arbitrari fas erit. Huic verò dolorum causæ suppetias ferre humorum acrum unde unde veniens affluxus, à dolore præcedaneo sponte concitabilis, apprimè potest, quo non solum *gingivis* anteà lacefritis nova succedit afflictio; verum etiam ipsi dentes, quod Sorbait loc. cit. in specie monet, hujus molestiæ redduntur participes, dum salina humorum talismodi spicula illorum partibus potissimum, circa radices tenerioribus atque sensibilibus infiguntur, & hinc ob inæqualitatem suam sensum molestum ipsis inferunt, non aliâ ratione, ac in odontalgiâ adulorum contingere solet.

§. VIII.

§. VIII. Dicta jam continuo gingivarum solutio, hancq; fideliter insequens pedissequus, dolor acutus, instar mali corvi mala producit ova, anteà nominata. Sic *inflammatio* gingivarum hujusque individuum adjunctum, *tumor*, presso sequuntur pede, originem sumentes à sufflaminato his in partibus confveto sangvinis circuitu. Quomodo alias dolor acutus sangvinem in motu suo impedire queat, notum est, hoc verò in negotio, vel juxta *Sylv. loc. supr. cit.* contingit, dum dicta gingivarum accidit perruptio, haut raro vasa sangivaria ibidem satis copiosa simul dilacerantur, hinc sangvis effluit, nullumq; exitum inveniens, sistitur in earum substantia, posteà verò, dum non movetur, capit vitium, atq; in grumos abit, hincq; tumorem infert, quo posteà sangvinis motus tum propter vasorum compressionem, tum obstructionem inhibetur. Vel, ex *Willisi de morb. convuls. cap. 4.* mente, sangvinis motus inhibetur, quando gingivarum membranæ atque fibræ distenduntur, hinc spasmis in nervis alicubi excitatis, nervi corrugati & contracti arterias, ceu frequentes socias, comprimunt & convellunt, ut hinc etiam sangvinis motus circa has inhibeatur partes.

§. IX. Subsistente per aliquot dies inflammatione ac tumore, sangvis iste congrumatus, particulis roscidis atque balsamicis exspirantibus, dum acrimoniam promptè suscipit, reliquos humores illuc propulsos simul restagnantes simili charactere signat. Quid? quod, nisi in tempore curetur, (siquidem vix ultra septem vel novem dies subsistere potest,) in suppurationem, quod ejus proprium, abit, unde gingivarum *abscessus*, *aphtha*, & alia superius ex *Sorba* adducta in proszenium veniunt, ipsiq; dentes statu hoc duriori vix citra gingivarum exulcerationem prodeunt, uti tale exemplum infantis, cui omnes dentes hoc modo prodierunt, à viro fide dignissimo mihi relatum memini, similia crebrior insuper expeditat experientia.

§. X. Ex eodem fonte *febris*, utpote symptomatica, derivanda erit; quando enim talis contingit motus sangvinis inhibitio præternaturalis, indeque inflammations succedunt,

836

dunt, etiam vitiosæ restagnations & irregulares fluctuationes eveniant, ex his verò calor p. n. seu effectus in corde concipiatur, & hinc per totum corpus diffundatur, necesse est. Ut taceam insignem ac plane p. n. spirituum commotionem, paulo post tangendam; hæc enim quid valeat in calore p. n. excitando, abundè testatur ira, similiaque animi pathemata. Promtius verò accidunt omnia, quò major caufarum proctarcticarum adest apparatus; infantum enim corpora colligendis variis humorum heterogeneitatibus sunt accommodatissima, quæ latentes antea facilè conspirant, ut à causis talismodi evidentibus commoveantur, suamq; ferociam exercant. Hinc prout heterogeneitates variare solent, ita febris modò continuæ, modo intermittentis ludere solet larvâ.

§. XI. *Convulsio & epilepsia* mater puerorum alias ab Avicenna lib. 3. fen 1. tr. 5. cap. 8. dicta, novercæ potius sustinentes munus, fideles se exhibent comites. Omnibus enim constat, quanta toti generi nervoso intercedat communio, quamvè debile atque ferculneum adhuc sit infantibus, adeò quidem, ut leviorem invasionem citra violentas commotiones atq; contracturas sustinere non valeat. Hinc cum tantus, tamq; acutus partium nervosarum circa dentes faucesq; stabulantum adsit dolor, violentæ contractioni conjunctus, de facili omnia hæc $\tau\varphi\omega\tau\varphi\tau\varphi\alpha\sigma\eta\pi\eta\epsilon\varphi$ communicantur, unde non solum dolor iste acutus totam nervorum compagem, imo ipsam originem, eadem molestiâ imbuit, verum etiam spiritibus animalibus motum violentiorem, & hinc subsequentem conturbationem imperat. Hoc violentiori motu humores in toto corpore contenti simul nimium quantum exigitantur, ut antea legitimâ licet qualitate imbuti, hac occasione vitium atque acrimoniam concipient, prout hæc *Sylv. loc. cit.* more suo succo pancreatico atque bili applicat, quasi in similem motum p. n. concitati ultra naturæ sphæram effervescerent, hinc halitus tum acidos, tum vi narcoticâ præditos erumpentes, unà cum similibus à parte affectâ ad cerebrum amandati, hinc epilepsiam, convulsiones, aliaque producerent. Licet hæc per omnia largiri non queam, illud tamen certissimum est,

ut



uti jam dictum; omnes anteà in corpore latentes dispositio-
nes, sive sit hæreditaria, sive dependeat à nutritione vitiosâ, aliis-
que humoribus acrioribus, hoc ipso dolore atque agitatione in
actum traduci, adeò quidem, ut lympha, dispositionum talismo-
di vedrix promptissima, simul vitiosè commota copiosius, ac
alias solet, nervis suffundatur, vitiumq; simul allatum spiritibus
atque membranis affricet, unde nil nisi spasmodicæ contractio-
nes multis modis variantes, ceu ex equo Trojano, prodeunt,
quibus ob continuam spirituum exagitationem *vigiliae* atque
pavores junguntur continuò.

S. XII. Ast *Willisii* assertum de *morb. convuls.* cap. 4. adeò
pro universali accipiendum minimè erit, quo statuit, graviora
symptomata dentitioni conjuncta, in specie febres atque con-
vulsiones, sine præviâ dispositione sive innatâ, sive acquisitâ,
non contingere. Utut enim ipse jamjam accusaverim tales
dispositiones, utpote *Hippocratis* testimonio maximum con-
ferentes punctum, simpliciter tamen affirmare non ausim, citra
has confusa symptomata concurrere non posse. Imo aliis in
locis sibi ipsi contradicit, dum *libr. de febr. cap. 2.* omnes fe-
bres à vitiosâ deducit fermentatione, introducta vel à particulis
heterogeneis, vel, citra has, à principio quodam seu elemento
sangvinis constitutivo ultra temperiem naturalem eyecto. Si-
mili ratione *de morb. convuls. cap. 1.* concedit, irregularē motu
contingere etiam posse citra particulam heterogeneam
explosivam, quando spiritus animales justo impetuofius & ve-
hementius in actus suos rapiantur, ubi tanquam equi effrænes
stimulis agitati inordinate exilant, copulamque suam, licet ge-
nuinam, violenter explodant, sicq; partes appensas velut currus
motu hoc perverso secum corripiant. Quibus suppositis fa-
cillima erit conclusio, quod dolor iste acutus, diutius præpri-
mis subsistens, omnia hæc, etiam citra dispositionem aliam, præ-
stare valeat.

S. XIII. *Salivatio crebrior* à dolore, spirituum commo-
tione, lymphæque acrimoniâ & fluxilitate arcessenda erit; ex
dolore enim vasa glandularum vicinarum, in primis salivalium,
illasque integentes membranæ vellicari solent, simulque ubi-

rior hoc ipso salivæ in os contingit effusio. Commotio spiri-
tuum suam confert symbolam, hi enim in reliquos corporis
humores uti supremum obtinent imperium, ita facile uberio-
rem copiam ad has glandulas excretorias amandare valent,
quod vel appetitus fortioris exemplo constare potest, quanta-
enim quæso tunc salivæ in os effunditur copia? Humorum de-
nique acrinonia quid in salivâ copiosius movendâ efficiat, citra
plurimas rationes testantur scorbutici, hypochondriaci, omnes-
que, quorum latex salinis scatet spiculis, hi enim molestissimo
crebrius vexantur ptyalismo.

§. XIV. Confveto hinc more saliva, continuò ad ventri-
culi penetralia tendens, faucium alluit isthmum. Quamvis vero
salivæ blandioris in statu naturali præter lapsus etiam nobis in-
sciis & sine ullâ fiat molestia; hoc tamen tempore, cum partim
copiosius, partim spicula salina comites habens descendat, cum
continuâ faucium irritatione, rosione, tussigue, molestâ, plerumque
siccâ hocce suum perficit iter. Insuper ad ventriculum dela-
ta, stimulus ulterius infigit, ibidem suam amplius exercens ty-
rannidem, ipsum jam tum ad spasmodicam contractionem dis-
positum, à consensu partim nervorum, partim membranæ fau-
cium ipsi quoque communis, lacte corrupto aliisque humori-
bus, quos ipse sinu fovet, in vomitus frequentes, *anorexias*, alia-
que sexcenta concitat, uti ex deductione accuratissimâ *Excel-
lentiss. D. D. Ettmulleri valetud. infant. §. 31.* hæc haurire mihi
licuit.

§. XV. Nec ad intestina, ceu ventriculum prolongatum
derivata saliva ab hac desistit atrociam, verum humorum bilio-
forum ibidem morantium, aliorumque per febrilem fermenta-
tionem illuc missorum ferociam strenuè adjuvat, glandulas mi-
liares ibidem copiosissimas continuo stimulando, ut majori in
copiâ humores fundant atque transcolent. Præterea intestino-
rum omnis generis fibras, accuratè à *Willis. pharm. rat. part. I.
sect. 2. cap. 2.* descriptas, molestâ atque continuâ afficit irrita-
tione, ut hinc spasmodum excretorium præternaturale atque
frequentem concipient, hincque *diarrhœa* dentitioni superve-
niens originem trahat.

§. XVI.

§. XVI. Siccō porrò silentii pede prætereundum non erit,
quod Strobelberg. manud. curand. pueril. affect. cap. 9. p. m. 21.
præ reliquis adnotavit, ipsaq; experientia comprobat, dari nimi-
rum dentitionem aliam veram, haetenus examinatam, aliam verò
spuriam seu *notham*, qvam mulieres vocant, die *Bull* / quasi *Beul-*
zähne / nihilq; aliud est, quam tumores quidam gingivarum po-
steriori parte, quâ dêtes enasci debent, in acumen protuberantes,
& infantes à lactis suctu impedientes, ab affluxu procul dubio
humorum acrum, ibidem postea stagnantium, originem trahen-
tes, facile dentes erupturos qui mentiuntur.

§. XVII. Quo itaq; probè inter se distingvantur, signa, qui-
bus vera dentitio cognosci potest, juxta consuetam methodum
subiecta veniunt. *DIAGNOSTICA* facilè eruuntur, juxta *Sen-*
nert. loc. supr. cit. desumta (1) à *tempore*, quô dentes alias erum-
pere solent, ordinariè scilicet mense quinto, sexto, & sequentibus.
Observati verò sunt, quibus ultra biennium eruptio dilata fuit,
imò exemplum rarum nobis retulit *D. D. Praeses*, quod in vicinâ
urbē cuidam lanifici decimo quarto demum anno prodierint.
Cū itaq; hoc mille variare soleat modis, huic alia adjungi debent,
circa os occurrentia, si nimirum (2) accedat frequens digitorum
alias duriorum rerum in os immissio, fortiorq; gingivarum
ac scalptitia quasi perficitio, papillarum nutricis arctior & ira-
cunda quasi constrictio seu commorsus. (3) petuntur à *loco*, ubi
dentes erumpere solent, ibidē enim gingiva modo albicat, modo
in altum sublata atq; acuminata est, & aliis modis hospitē latente
exitumq; affectantem prodit. His deniq; si (4) consveta jungan-
tur *symptomata*, nimirum clamor atque ejulatus præter modum
continuis, crebrior ac molesta salivæ in os effusio, calor præ-
ternaturalis totius oris interni atque genarum, aliaq; antea re-
censita conspirent, conjunctim difficile hoc opus præsens esse
certo arguunt.

§. XVIII. *PROGNOSTICA* omnium optimè & fusissimè horum
fidelis promus condus, *Hippocrates lib. de dentit.* tradidit, unde
commode peti possunt. Insuper regulantur juxta symptomatum
atrociorum syndromen maximè variantem. Quantum verò ad
SALVTEM & MORTEM spectat, notum est, juxta *aph. 34. sect. 2. mor-*

C 3 bum

890

bùm hunc infantibus per omnia esse congenerem, proinde per se minus periculose, quod effato suo *Sorbait loc. cit. cap. 2. theor. 25.* comprobat. Ast exinde omni vacare periculo absolute pronunciandum non erit, cum sàpè vitæ filum præscindat, quotidiana suffragante experientia, quale exemplum etiam refert *Sculiet. armam. chirurg. part. 2. obs. 34. p. m. 49.* ut adeò morborum acutorum in morem sàpè dubias habeat prædictiones. LONGITUDO & BREVITAS ex ipsis obstaculis atque symptomatibus prædicti potest, uti illis, qui cum tussiculâ dentiunt, *Hippocratis* testimonio, tardius hoc negotium succedere solet, cujus effati rationes accuratissimè expositas vid. apud *Christian. Lang. colleg. MS. de morb. infant. cap. 19.* Accedit, quod pleraq; concurrentia symptomata ex urgentium atq; acutorum sint classè, unde, si exitus dentium feliciter succedat, sponte quoq; nonnunquam citò terminantur, & contra. Modus deniq; EVENTUS medico omnia symptomata atq; circumstantias probè consideranti non potest esse ignotus; constat enim ex hactenus dictis, omnia symptomata à dolore ceu face accensâ vel spinâ infixâ dependere. Hinc salus prædicti potest, si dens citò erumpit, infantes nullam præviam fovent diathesin morbosam, symptomata, in primis spasmatica, in remissiori sunt gradu, indiesq; miniuuntur, tunc enim dente vel criticum in morem erumpente, doloreq; cessante, vel, quod frequentius & magis fieri afolet, saltim ad id magis aptato, naturâ aliquandiu unam vel alteram v. g. septimanam quiescente, & ad prorruptionem plenariam hinc citra novum assultum se accingente, post periculorum nubila gratissimus sanitatis fulget Phœbus, & symptomata omnia, ceu face extinctâ, vel spinâ exemptâ, sponte evanescunt. Contra ea verò ad mortem sàpè terminantur, si exitus dentium variis de causis moretur, symptomata quotidiè increscant, imò nova, prioribus non ablatis, succedant, atrociterq; affligant, calculum addat naturæ debilitas, omnibus tunc modis huic oneri ferundo infantum tenebriora corpora redduntur imparia, hinc succumbunt, hinc diem ultimum subire non raro coguntur.

CAPUT

C A P U T III. *Therapeiam subnectit.*

§. I.

QUAMVIS ipsa dentitio absolute & in se considerata, ceu opus naturalissimum, nullâ indigeat curatione, haec tenus tamen examinatae remoræ ipsam impedientes atque difficilem reddentes, legitimâ medendi methodo auferendæ sunt, quo infantum saluti maximè hinc periclitanti mature consulatur.

§. II. Hoc ut felicius detur effectum, duæ statuæ quasi mercuriales erigendæ, ad quas omne in curatione flecti debet studium, quarum una est, *dentium exitus quantocuyus ut promoveatur, illumq; remorantia obſtacula removeantur*; quæ alias INDICATIONIS CVRATORIÆ atq; PRÆSERVATORIÆ nomine venit: altera *circasymptomatum urgentium celeri medicina ope mitigationem occupata est*, hincq; INDICATIO SYMPTOMATIS dici confœvit.

§. III. Priorem quo assequi liceat, ceu palmariam, & in qua potissimum curationis versatur cardo, tres isti præsidiorum fontes omne conferunt punctum. PHARMACEUTICUS hinc primò consulendus suppeditat *evacuantia & alterantia* tam *universalia* quam *particularia*. Licet verò EVACUANTIA plerumq; alias præmitti soleant, præsenti tamen indicationi non semper conveniunt, cum partim obstet corporum teneritas, partim ultiro suboriens humorum exagitatio, atq; tam $\alpha\tau\omega$ quam $\pi\alpha\tau\omega$ evacuatio, caute proin cum his mercandum, ne igni oleum affundatur. Ast si urgeat humorum in primis viis restagnatio, alvusq; alias pertinaciter obstructa observetur, unde plura posthinc metuenda mala, præservationis quasi causa *lenia* possunt admitti: ex his verò in specie *manna Calabrina* variâ sub formâ, sive in ∇ *ceras. nigr. flor. til.* aliisq; ad $3j\beta$ vel ultra soluta, sive liquida ista à *Schræd. pharm. med. chim. lib. 4. class. 4. descripta*, sive *julepata* juxta descriptionem *Hoffm. in clav. vel elect. diacass. cum manna, sirupus de cichor. cum rhabar. pulvis laxat.* puerorum similiaque varia, quæ alvum leniter movent, vitiososq; humores citra insignem agitationem educunt. Ipsi quoque nutrici, si infans adhuc lactetur, medioctria propinari queunt purgantia ex *jalapio*.

jalapio aliisq; evporistis, quæ variis satisfaciunt intentionibus, & refractis quasi viribus ad teneriora hæc derivantur corpora. Nec *clysteres* hoc in passu suâ carent laude, qui tanquam catholicum præsidium omnia incommoda ex strictiori alvo alias oriunda apprimè averruncant, possuntq; ex emollientibus & paregoricis, stimulo non adeò forti addito, domestico etiam componi labore.

§. IV. ALTERANTIA proinde sacra erunt anchora, potissimum *particularia*, & ex his in specie *emollientia*, atq; duriorem carnem rumpentia, quæ gingivarum substantiam strictiorem dentibus erumpentibus resistentem emolliunt & relaxant, ut facilior ipsis pateat via; suntq; in dupli differentia, ac vel pingvium, oleosorum, vel mucilaginosorum comprehenduntur titulo. De utrisq; constat, quod omnia, quotquot etiam sint, in hâc convenient operatione, ut fibras extensas atq; strictiores particulis suis roscidis atque obtusioribus emollire & relaxare valeant, unde hoc posito fundamento, non est, ut eorum tantus hinc inde conquiratur apparatus, cum pauca omnem rem expedire possint.

§. V. Frequentius verò seligi hunc in finem solent *butyrum recens insulsum*, ejusq; ^o, *pinguedo anserum*, *gallinarum*, *anatum*, *coturnicis*, *leporis*, cui multa tribuuntur, ejuscq; *cerebrum*, ^o *lil. alb. amygd. dulc. rosar. chamæm. ungv. de althæa*, *mel virg. vel rosatum*, *mucil. sem. malv. alth. psyll.*, *sem. lini*, *vitella ovor. ficus recentes*, *succ. ex cancris vivis expressus*, aliaq; hîc non recensenda. Ast omnia non promiscuè, sed cum prudentiâ medicâ debent adhiberi, cum quedam præter emoliendi virtutem aliam insuper foveant qualitatem. Hinc mitiora atq; temperatoria præmittere fas erit, qualia sunt ^o *butyri*, *lil. albor.*, *pinguedo coturnicis*, *mucilagines* jam nominatæ, quæ omnia vel simpliciter applicantur immediatè gingivis, vel linimenta balsamaq; inde variis componuntur modis. Taleq; linimentum ex pingvibus ac ^o sis compositum apprimè conveniens reperitur apud *Timæum lib. 5. cas. med. 10.* aliosq; Balsamum verò huc faciens instar omnium esse potest illud *Mynsichti arm. med. chim. sect. 35. descriptum*. Ex mucilaginofis verò linimentum hunc in finem potest parari ex *mucil. sem. psyll. alth.*

*alb. malv. sem. lin. cum ▽ ros. extract. addendo saccb. penid. pro
gratiā. Circa pingvium applicationem cautela Strobelbergeri loc.
supr. cit. & Amthor. nosocom. infant. c. 9. summoperē obser-
vanda, ne excessivā quantitate gingivis inungantur, aliàs ab in-
fantibus dum facile deglutiuntur, ad ventriculum & intestina-
delata, anorexiā, ventris lubricitatem, aliaq̄ mala produ-
cunt.*

§. VI. His gingivarum inunctionibus conjunguntur uti-
liter *cataplasma* ex quinq̄ istis emollientibus herbis aliisq̄
cum lacte parata, quæ maxillis exterius, prius *chamom. līl.
albor. &c.* inunctis, applicantur, unde ob loci viciniam vires
suas de facili gingivis largiri queunt; Imò sola genarum talis-
modi inunctione cum butyro recenti mane seroq̄ institutā mu-
lieres Bohemicas dentitionem facilitare, testis est anteā citatus
Strobelbergerus.

§. VII. Negotio nondum expedito, his mitioribus suc-
cedant fortiora, necesse est, quo nomine celebris inprimis est
pingvedo leporina, utpote abscessibus durioribus rumpendis,
spiculisque carni infixis extrahendis aliàs accommodatissima,
in specie vetustior, majorem acrimoniā, & hinc attrahendi vim
adepta, chirurgis propterea frequentis usus, quæ durioribus
gingivis applicata illas non tam emollit, quam acrimonia suā
attenuat atque rarefacit, cui etiam substitui solet *cerebrum le-
poris crudum assatum vē*, à quo idem speratur effectus. Simi-
le præbent solatium *ficus recentes* in medio scissæ gingivisque
tumentibus applicatæ, hæ enim non tantum dentib⁹ resistentes
rumpunt gingivas, sed & dolorum præsentaneum adferunt le-
vamen, cui fini etiam *Hartmannus in praxi, Timaeus & alii unam*
alteramq̄ guttam sangvinis adhuc calentis ex incisione crista
galli per vices gingivis successu haut contemnendo affictam
laudant.

§. VIII. Præter hæc mulieres, sine medici sæpè præscitu,
proprio ausu gingivis prurientibus, quo ipsis blandimentum
& rarefactio accedat, orisq̄ æstuantis calor mitigetur, varii ge-
neris crepundia applicant, quorum agmen dicit *dens lupi, cry-
stallus, jaspis canali argenteo inclusus, & balybs septies vel ultra-*

Candens in lacte caprino extintus, aliaq; instrumenta varia ex ebore similibusque durioribus levitate simul conspicuis parata, quæ à collo dum dependent, infantes promte arripiunt, atque gingivis interponunt, hinc inde movent, deinde commordendo efficiunt, ut gingivæ, dum dentes intra, crepundia vero extra resistunt, ceu partes moliores, necessariò rumpantur. Ut ut vero usus horum crepundiorum sit familiaris, multi tamen medici ipsum planè improbant. Sic Crato in evporistis, Strobelberg. & alii similia rejiciunt, metuentes, ne alveoli dentium potius occludantur ac obturentur, densiorq; facta gingiva internecionis cruciatus afferat, uno verbo, ne plus obsint, quam pro sint. Eligitur propterea eorum loco baculus glycyrrhizæ, si rupo convenienti vel melle rosato illitus & consveto modo applicatus. Jacob. Truncon. loc. supr. cit. substituit radicem ireos Florent. melle & ol. amygd. dulc. intinctam. Ast uti hæc crepundia præpostere applicata meritò suam merentur censuram, & facile causarum supra S. 5. cap. præced. memoratarum classem ingrediuntur, ita in totum eorum usus improbari nequit, cum consuetudini aliquid concedendum, in primis dentis lupi, in quo maxima spes apud mulieres residet; (licet vix præ reli quis, uti Sylv. l.c. vult, ob halitum salinum volatiem, continuo quem inter affricandum emittit, hocque perforationem promovere creditur, habeat prærogativam,) si modo legitimus eorum observetur usus. Hæc siquidem duriora, quod Langii loc. supr. cit. aureum est effatum, conveniunt tantum primâ invasione, prurigine gingivarum citra inflammationem præsente; hæc quippe si accedit, dolorque conjungitur major, dum dentitionis labor in suo visitur vigore, infantes horum instrumentorum duritiem, cuius ratione dolor exacerbatur, abhorrent. Hoc itaque tempore, ejusdem consiliō, sepositis durioribus, nutrix digitum potius ori infantum immittat, aut candela cerea, vel denique omnium optimè crista galli oppido magna ipsi masticanda præbeatur, quorum crebriori commorsu dolorum lenimen querit tenellus, & gingivarum laxationem negotiumq; perforationis vel nescius accelerat.

§. IX. Periapta & amuleta, difficilioris dentitionis expe-
diundæ

890

diundæ causa plurima hinc inde commendantur & applicantur, cujus sortis sunt *dens hominis primo excisus*, qui terram non attigit, *dens equi* primum natus, *pellis lupi*, *rad. colocynthidis sylvestris* canali argenteo inclusa, *rad. martagi*, *chelidonii majoris*, *dens viperæ masculæ*, *glossopetra Melitensis*, *lana agnina*, cum corio collo appensa, *jaspis viridis* appensus, ut ventriculum attingat, in specie *lapides gammaororum*, qui certo experimento vi magneticâ sal acutum, dentitionis tempore in sanguine ebulliens, attrahere dicuntur, cujus vi & ipsi corroduntur & calcinantur, ut quasi pulverisati excidant, aliaç longâ serie, recensita à Bonaciol. enneade muliebr. cap. 8. Camer. mem. med. cent. VI. part. 43. Hæc vel similia credulæ mulieres, maximâ felicioris effectus fiduciâ, speç indubitâtâ, collis infantum alligant, omnesque successus secundos, vel à naturæ benignitate, vel aliis adhibitis remediis qui contingunt, unicè periaptis talismodi adscribunt. Verum falluntur, speque lactantur inani, cum, meo quidem judicio, hæc plerumq; fabulosa appensione hac solâ fidum vix edere possint effectum, quin potius, juxta Plateri de lœf. funct. part. 2. p. 541. ἐπίνειον, non viribus vulgo ipsis attributis, sed apprehensione simulç frictione juvent. Locum tamen meritò quoque relinquimus illis eatenus, quatenus quædam horum effluviis suis in corpus continuò diditis epileptica symptomata arcent.

§. X. Evenire non infreuerter solet, ut remedia pharmaceutica jam enumerata dentitionis difficultatem non tollant omnem, quapropter FONS CHIRURGICUS in subsidium trahendus, generosis præsidiis suis residuos nodos Gordios δραγμέσδ promtè & feliciter expediens. Peragi vero ea diversis solet modis, interdum quippe ipsæ nutrices chirurgi sustinent munus, dum ejus manum ferriç aciem reformidant, hinc gingivas à dentibus tumentes instrumentis suis naturalibus, ungibus puta, scalptu fortiori dissolvunt, qui tamen modus variis de causis non temerè imitandus. Convenientior ille videtur, qui multis in frequenti est usu, quando nimirū dentitionis tempore gingivarum visitur tumor, varia insimul adsunt signa difficultatem operis monstrantia, gingivas eā in parte, ubi tument,

pollice, donec dentes intus latentes prodeant, comprimunt, hanc
que ratione ipsis ad exitum liberam parant viam; dolor quoque
inde exoriens cum sit subitaneus, nil aestimandus, id quod feli-
citer nonnunquam factitatum meminimus. Alii contra, quo-
rum antesignanus est *Paræus de hom. gener. cap. 67.* potius ad
ferrum confugiunt, gingivasque dentibus resistentes fortius
scalpello incidunt, ut, illis vi ferri ruptis, dentibus pateat exitus,
& quidem commodius, quam dilaceratione jam memorata,
quemadmodum ejus felicem successum experientiam insuper
suâ confirmat *Binning. cent. IV. obs. 25. p. m. 398. Borell. cent. I.*
obs. 97. Schenck. obs. f. 219. Ast uti generosæ ac heroicæ talismo-
di operationes non temerè citra urgentem necessitatem, ita ur-
gente illâ nulloque expediente alio præsente, nec timidè, sed
sepositâ omni periculorum formidine, audacter à cordato ex-
erceri solent medico, quæ & huic difficultati, omnibus aliis re-
mediis cedere renuenti, finem imponunt.

§. XI. Posteriorem quoque statuam, symptomatum mi-
tigationem concernentem, remediis ex prædictis fontibus de-
sumtis veloci plantâ adire licebit; quamvis enim pleraque, dif-
ficultate operis sublatâ, sponte suâ fatiscant, sæpè tamen hâc
durante adeò atrociter urgent, ut citam medici opem manu-
que medentem à prædicta difficultate ad se rapiant, insuper
dentibus jam tum egressis haut raro pertinaciter subsistunt,
præprimis, ubi dispositio adest, ac, nisi heroicis expugnantur
præsidiis, internecionis praxin exercent.

§. XII. CHIRURGIA hinc ad symptomata tum præcaven-
da, tum curanda generosorum præsidiorum porrigit trigam:
(1) *Fonticulos* nuchæ aliisque vicinis capiti partibus applican-
dos, quibus convulsionum dispositiones furcâ quasi expellun-
tur. (2) *Vesicatoria* iisdem locis adhibita, quæ serum acre, con-
vulsivorum motuum autorem, in caput nimis suffundi aptum,
evacuant atque retrahunt, præsentaneum largientia juvamen.
(3) *Hirudines* venis jugularibus utriusque lateris adpositas,
quarum suetu sanguis variis peccans modis pro lubitu sine sen-
sus notabili molestiâ evacuari potest. Hanc præsidiorum tri-
gam *Willius loc. citato* infantibus paucorum dierum
appli-

applicatam egregiis extollit laudibus, quâ lethiferas alias **convulsiones** feliciter profligavit. Ast quamvis hæc remedia exteris satis sint familiaria, votoq; sic satis respondeant, nostrarum tamen regionum matres infantibus ut applicentur, vix permitunt, ne afflictis nova succedat afflictio.

§. XIII. PHARMACEUTICIS proindè *remediis* symptomatum caterva aggredienda erit, & quidem *alterantibus* partim nutrici, partim infanti adhibitis. Cum verò duo symptomata magis urgentia præ reliquis in curatione respici debeant, *febris* nimirum atq; *convulsiones*, (inflammationem enim & dolorem pleraque supra commendata emollientia, quæ simul anodynâ pollent virtute, mitigare valent,) *illa*, utpote symptomatica, nec malignitatem facile adjunctam habens, ne in essentialem fatiscat, *alterantibus* ac *præcipitantibus*, seu *invertentibus* domari poterit, commodissimè verò ∇ eis æstum restingventibus, ∇ eis atq; *alcalinis*; *acida* enim, quæ egregiè alias suum faciunt munus, ob varia incommoda hic videntur suspecta, nisi sint mitiora, & dosi solum refracta cum ∇ eis misceantur. Huic scopo inserviunt ∇ æ refrigerantes, v. g. *portulacæ*, *endiviae*, *acetosellæ*, *nymphææ*, fl. *acaciaæ*, sirupus de *hyacintho*, corall. *buglossæ*, *borraginis*, *rosarum*, sém. 4. *frigid.* major. C.C. *phil.* ppt., *unicorn.* foss. *lap.* Σ . *magist.* *corall.* *bez.* *miner.* *pulv.* *bez.* *Sennert.*, *absorbens* *Ex-cell.* D. D. *Praesidis*; aliaq; ex quibus pro lubitu facile parari queunt potionis cum sirupis, emulsiones cum saccharo perlato edulcandæ, quæ infantibus præ pulveribus siccioribus magis gratæ sunt. Imò nutrix, quasi ipsa febricitaret, similia quoq; assumere commodè potest, quia haut rarò infantes omnem medicaminum aversantur usum, & hoc modo character medicamentosus lacti imprimitur.

§. XIV. *Convulsionibus* potenter obviam eunt *nervina*, ex his verò *temperatoria* in primis ac *fixiora*; vigiliæ si quidem spirituumq; exagitatio *volatilia* atque \square *nosa* vix admittunt, unde hunc in finem feligi possunt *rad.* *pæon.* *maris*, *visc.* *coryl.* *ungul.* *alces*, *cran.* *hum.* *mag.* *perlar.* *corall.* *rubr.* *anthera lycopodii* cum *syrupo betonicae*, *succin.* ∇ *epilept.* *Lang.* fl. *pæon.*, *tilia*, *ceras.* *nigr.* *bez.* *yle*, *dens hippopotami*,

raf. ebor. cinnabaris tām *nativa*, quām *gii*, quæ instar est omnium, & cuius encomia inter omnes nota sunt. Ex compositis se commendant experientiā comprobati *pulveres, cephalici atque nervini*, quorum basin constituunt partim superius nominata, frequentius verò *cinnabaris*, uti sunt *epilept. Cratton. Michaël. pulv. Marchion. pueror. August. similesq;*, quorum farraginem sufficientem suppeditat *Macas. prompt. mat. med. lib. 2. sect. XI. cap. 1.* Hæc, prout usus postulat, medici prudentiā atq; intentione, ratione doseos ac compositionis, facile possunt dirigi, modoq; infanti, modo nutrici exhiberi. His *opiata* si associantur, effectus erit felicior, hæc enim non tām humorum spirituumq; exagitationi, quām inde dependentibus *vigiliis* fræna injiciunt, illasq; compescunt; ast summā cum cautelā infantibus his teneroribus adhibenda, in primis doseos ratione, quam etiam grana partiri debent. Hæc namque si excedat, varia contingunt incommoda, multo labore postmodum corrigenda, in specie langvor, totiusq; capitis stupor, quem infantes inde sentiunt, cujus gratia latius videri mereatur *Excell. D. D. Præsidis Opiologia.* Taceo jam quibusdam in locis usitatam muliercularum curam convulsionum, quam instituunt sudore equorum fasciis collecto; has enim ehippio dum substernunt, eqvum stimulis concitari, cursuque velociori tamdiu defatigari curant, donec totus quasi spumescat, hinc fasciis istis calentibus ac copiosiori equi sudore mandibibus infantes involvunt cum maximā reconvalescentiæ fiduciā.

§. XV. *Diarrhœa* verò atque *vomitus*, licet aliàs symptomata satis urgentia, hoc in casu tamen non statim præpostero ausu inhibenda, cum sint excretiones quasi criticæ, per quas humorum vitiosorum saburra commodè expurgatur, hincquę materia, convulsiones aliàs progenerans subducitur. Sin verò limites supergrediantur, simulq; enormem virium jaeturam pariant, fixioribus absorbentibus atq; theriacalibus possunt refrænari, v.g. *bol. Arm. √ sigill. matr. perl. conch. ppt. C.C. usto, sem. plantag. corall. tragæa gran. actes, pulv. stypt. D. D. Præf. similibusq;*, quibus si anodynī vel theriacæ parum admisceatur, hisce

fluxio.

fluxionibus apprimè proficuum, & aliis unà symptomatibus debitum emergit medicamentum.

§. XVI. Residua tandem symptomata, *ptyalismus* scilicet atque *tussis sicca*, nullâ peculiari indigent medelâ, cum sedata humorum exagitatione, doloreq; cessante, hæc ultrò evanescant. Sin verò *faucium exulcerationes*, *aphthæ*, aliaq;, pertinacius interdum subsistant, debitis remediis ex *Paul. Sorbait loc. sèpè cit.* aliisque abundè hauriendis profligari poterunt.

§. XVII. DIÆTETICUM deniq; succedat REGIMEN naturale, vi-
tale, & animale, quod nutrici atque infanti legitimum sex rerum
non-naturalium præscribit usum. In *naturali* quidem cibum po-
tumq; laudabilem, nec quantitate nec qualitate vitiosâ lac coa-
gulare, aliisq; modis corrumpere aptâ peccantem imperare,
convenit nutricibus, imò, citra febrim fieri si potest, calidum ac
humidum, quò sic *τηλιχρόν*, partibus nutriendis augendisve
aptissimum, cum lacte infantibus communicetur, dehinc verò
dentes copiosius dum adsciscunt nutrimentum, felicius torulis
suis egrediantur. Sin verò intemperies obstet febrilis, tenuis vi-
etus refrigerans substitui debet. Quoad infantes, eadem suo
modo etiam valent, licet hi adeo strictis diætæ regulis non
semper obligari possint. Copiosior lactis suctus febris tempo-
re improbatur quidem à *Parao loc. cit.*, quia ob motus humo-
rum vitiosos circa ventriculum ac intestina tunc contingentes
lac variis corrumpi potest modis, quapropter *potiones ex*
vis refrigerantibus cum *sirupo granatorum*, *de limonibus*, aliis-
vè paratæ infantibus sitientib; lactis materni loco gratissimū ac
utissimum ab ipso dicuntur refrigerium. Verum consultum ma-
gis videtur, potum consuetum, lac nempe maternum, retine-
re, quam medicamentosis his teneriora corpora onerare.
Fabulosum insuper videtur pulmentum istud primum, super-
stitione cum lacte matris paratum, atque infantibus exhibitum,
in subseguente dentitione facilitanda famigeratissimum. Jun-
gantur modò his, insimulq; probè observentur in diætâ *vitali*
& *animali* nutricibus infantibusvè hinc inde præscriptæ, nec
hic loci repetendæ, regulæ, & prosperrimus molestiarum spe-
randus erit

F I N I S.

850.

Cum desit tempus pangendi carmina docta,
votum hoc sufficiat: Sit TIBI faustus honor.
Pauculis hisce Nobilissimo Domino Doctorando
animitus gratulatur
Rudolphus Wilhelmus Krauß/ Phil. &
Med. D. P. P. h. t. Acad. Rector.

UT non erumpunt unā factō agmine dentes,
sed maturatos sensim novus excipit adstes,
donec postgeniti decore aucto marmora claudant;
Sic vice non unā benē cultā mente probatā
in sophico medicoque choro, nunc robore adulto
dens sapiens summum studiis decus arrogat. I nunc,
eduç in cathedram supremum opus, atque capesse
ingenio, virtute, laboreque præmia parta.

Nobil. & Clariss. Dn. Doctorando, honores in medicinâ summos ex merito ambienti, gratulor invidendos successus

P R A E S E S.

Cum primū sapit imperitus infans,
tunc illi incipiunt tumere dentes.
Tu prodis sapientiae vigorem,
disquirens animo sagace dentes.
Hinc jam digna Tibi corona fertur.
Acclamo: Emineat magis magisque
virtus; fama Tibi decusque crescat!

όλοναρδίως ἡᾱc vovet
Nobiliss. Dn. Doctorando, Adfini honorando,
Augustinus Henricus Faschius, D. P. P.

Nitere KRAUSOLDI: favet istis Incluta Jena,
qvos sua sedulitas urget & artis amor.
Nitere: Te pridem laudat faustumque laborem,
inqve tuos nutus annuit illa lubens.
En! mirata tuos alias Hygieia cathedræ
conatus, rursum plaudit amœna Tibi.
Hic qvoqve complaudit versus, dentesqve benignos
optat, fausta precans *Patribus* atque *Tibi*.


In tessera m candidi constantisq; amoris relinquebat
Simon Andreas Beckerus, Med. Licent.

153154

X2615746


R

104



Farbkarte #13

	B.I.G.
Centimetres	8
Inches	3.14
1	1
2	2
3	3
4	4
5	5
6	6
7	7
8	8
9	
10	
11	
12	
13	
14	
15	
16	
17	
18	
19	
20	



DIVINA ADSISTENTE GRATIA!
DISPUTATIONEM MEDICAM
INAUGURALEM,
De
**DENTITIONE
INFANTUM,**
*Jussu atq; autoritate Gratiissimæ Facul-
tatis Medice in inclutâ propter Salam Academiâ,*
PRÆSIDE
VIRO EXCELLENTISSIMO,
**DN. GEORGIO WOLFF.
GANGO WEDELIO,**
Med. Doct. Theor. Prof. Publ. Med. Ducal.
Sax. Facult. suæ h.t. Decano, nec non S. R. I.
Natur. Curios. Adjuncto,
Domino Patrono, Præceptore atque Promotore suo omni obser-
vantia honorisque cultu etatem venerando,
PRO LICENTIA
Summos in arte Medica HONORES atque PRIVILEGIA
DOCTORALIA legitime ac majorum more
capesendi,
publico philiatrorum examini subjicit
JOHANNES ERNESTUS Krausold /
VINARIENSIS,
In AUDITORIO MAJORI, Horis ante- & post- meridianis,
Ad diem Augusti, Anno M DC LXXVIII.
JENÆ, Literis NISIANIS.